

ՕՐՔԵԼՅԱՆՆԵՐԻ ԻՇԽԱՆՈՒԿԱՆ ՏՈՒՆԸ XIV—XV ԴԻ.

ԳԵՂԱՄ ԿԻՐԱԿՈՍՅԱԼ

Զաքարյանների ինքնավար իշխանության տարածքում XIII դ. ձևավորվեց Օրբելյանների ավատական տունը: Հայաստանում ավտոտական այս տան հիմնադիրը եղավ էլիկումի որդի Լիպարիտը: 1178 թ. վրաց Գեորգի III թագավորի դեմ ամիրսպասալար Իվանե Օրբելյանիի գլխավորած ապստամբության ճնշումից հետո Իվանեի եղբայր Լիպարիտն իր որդիներ էլիկումի և Իվանեի հետ փախավ Պարսկաստան: Հոր մահից հետո էլիկումը Մուհամմեդ Փահլավանից կալվածքներ ստացավ Նախճավանի կողմերում և ամուսնացավ Աբաս Ճահկիցու դստեր հետ, որը Սյունյաց Ստեփանոս եպիսկոպոսի քրոջ աղջիկն էր: Էլիկումի որդի Լիպարիտը, հոր մահից հետո, Ստեփանոսի աջակցությամբ և վրաց թագավորի միջնորդությամբ, Իվանե աթաբեկից կալվածքներ ստացավ Վայոց ձորում, Գեղարքունիքում, Կոտայքում և Կայենում¹: Նա ամուսնացել էր սյունյաց իշխանաց իշխան Բուբակի դստեր Ասփայի հետ: XIII դ. Արշալույսին Վայոց ձորում հաստատված Օրբելյաններն աստիճանաբար հզորացան և դարձան Հայաստանի ազդեցիկ ավատական տներից մեկը: Օրբելյանների իշխանական տան պատմության ուսումնասիրության մեջ զբաղվել են հայագիտության երախտավորներ Դ. Ալիշանը, Գ. Հովսեփյանը և այլք²: Օրբելյանների ֆեոդալական տան պատմության ուսումնասիրման ու ամբողջականացման հարցում ակնառու վաստակ ունի հայագիտության անխոնջ մշակ Լ. Խաչիկյանը³: Վերջերս լույս տեսավ նաև Գ. Գրիգորյանի աշխատությունը⁴ նվիրված Օրբելյանների շրջանի Սյունիքի պատմությանը⁵:

XIV—XV դդ. Օրբելյանների իշխանական տունը կառավարում էին 1300 թ. մահացած⁶ էլիկումի որդի իշխանաց իշխան Բուրթելը (1300/1302—1348) և նրա ժառանգները: Պատմագիտական գրականության մեջ այն կարծիքն է հայտնվել, թե Բուրթելը Սյունիքում ու նրա սահմաններից դուրս հիշատակվում է 1306—1344 թթ.⁷, մինչդեռ նրա մասին առաջին հիշատակությունը հանդիպում ենք 1302 թ. գրված մի հիշատակարանում, ուր Գրիգոր դրիշը հայտնում է, որ այն գրել է Ստեփանոս մետրոպոլիտի և Բուրթելի խնդրանքով⁸: Այստեղից կարելի է եզրակացնել, որ 1300 թ. էլիկումի մահից հետո նրա որդի Բուրթելը դարձավ այս ավատական տան իշխանաց իշխանը: Բուրթելն Օրբելյանների հզոր ներկայացուցիչներից էր և մեծ

1 «Պատմութիւն նահանգին Սիսական, արարեալ Ստեփանոսի Օրբելեան արքեպիսկոպոսի Սինեաց», Տվղիս, 1910, էջ 393—397:

2 Նույն տեղում, էջ 397:

3 Դ. Ալիշան, Սիսական, Վենետիկ, 1893, էջ 92—97, Գ. Հովսեփյան, Խաչիկյանց կամ Պոտոյանց հայոց պատմության մեջ, մասն առաջին, էջմիածին, 1928, նույնի՝ Потомство тарсаица Орбеляна и Мина Хатуна («Христианский Восток», т. II, 1913):

4 Լ. Խաչիկյան, Սյունյաց Օրբելյանների Բուրթելյան ճյուղը («Բանբեր Մատենադարանի», № 9, Երևան, 1969, էջ 173—199):

5 Գ. Մ. Գրիգորյան, Սյունիքը Օրբելյանների օրոց, Երևան, 1981:

6 «Իվան հայ վիճագրության», պրակ III (այսուհետև՝ «Իվան», III), կազմեց Ս. Բարխուդարյան, Երևան, 1967, էջ 237:

7 Լևոն Խաչիկյան, նշվ. աշխ., էջ 174, Գ. Մ. Գրիգորյան, նշվ. աշխ., էջ 101:

8 «Ժ դարի հայերեն ձեռագրերի հիշատակարաններ» (այսուհետև՝ Ժ), կազմեց Լ. Խաչիկյան, Երևան, 1950, էջ 9:

շուրով կատարեց շուրջ 47 տարի: Նրա մեծ հեղինակութեան մասին են վկայում այն տիտղոսները, որոնք նա ստացել էր ժամանակակիցների կողմից (ամեծ միրք», «կոմս և կողմնակալ», «մեծիմաստ պարոն», «հաղթող սպարապետ», «ձայոց մեծ սպարապետ», «մեծ սպարապետ հայոց և վրաց»)⁹: Այս բարձր հեղինակութեան և ազգեցութեան հետևանքով է, որ Բուրթելի մահից հետո Օրբելյանների տան հիշյալ հյուրը սկզբնաղբյուրներում կոչվում է նաև «տունն Բուրթելեանց»: Բուրթելի մասին հաջորդ տեղեկությունը հաղորդում է Սարգիս Գրիչը՝ 1306 թ. Նղեղիսում դրած հիշատակարանում, ուր Բուրթելը տիտղոսավորված է նահանգի իշխանաց իշխան տիտղոսով: Այստեղ հիշատակվում է նաև նրա ներայրը՝ Բուղդան¹⁰: Վերջինս սպանվել է 1318 թ., երիտասարդ հասակում: Նրա սպանաբարին արձանագրված է. «Նղբար մեծ Բիւրթէլին, զեղահրաշն Պուղտային, որ երիտասարդ հասակի յետ յուով քաջ մրցմանց տիգախոցեալ զանթառամն ընկալաւ դպասկ թվ.: Չկէ: (1318)»¹¹: Այս նույն թվականին Բուրթել իշխանը Բուրթիլաշեն եկեղեցում խաչքար է կանգնեցրել վաղամեռիկ եղբոր հիշատակին¹², 1307 թ. մի հիշատակարանում Բուրթելի մասին գրված է. «Եւ առաջի աշխարհակալացն մեծ՝ մեծարեալ՝ եւ բազում ընծայիւք պատուեալ՝ յ(ստուծո)յ յաջողել եւ ի մարդկանէ փառս եւ պատիւ ընկալեալ»¹³: Գրիչը հաղորդում է նաև, որ Բուրթելը Չեսարի հետ մասնակցել է Խուղաբանդա-Ուլջեյտու խանի գեպի Թալիշ կատարած արշավանքին և աչքի է ընկել քաջութեամբ¹⁴: Արատեսի վանքում 1310 թ. գրված ձեռագրի հիշատակարանում որպես Սյունյաց տերեր հիշատակված են Բուրթելը, Բուղդան և Չեսարը¹⁵, իսկ 1314 թ. Գլաձորում գրված հիշատակարանում հիշվում է մեծ ամիր Բուրթելը՝ իր եղբայր Բուղդայի հետ¹⁶: Բուրթելի իշխանութեան ժամանակ ևս Վայոց ձորի մի մասին տիրում էին Օրբելյանները, իսկ մյուսին տիրող Պոռշյանները, հավանաբար, ընդունել էին իշխանաց իշխան Բուրթելի գերիշխանությունը: Այսպիսի հետևութեան հանգելու համար կոման են ծառայել մի շարք հիշատակարանների հաղորդած տեղեկությունները: Բերենք դրանցից մեկը, որի բովանդակությունից երևում է Պոռշյանների վասալական կախվածությունը. «Բայց գրեցաւ ի թուի հայոց ի յկթ(ն) հարիւրորդի. ութսուներորդի երրորդի (1334), ի Ձորս Վայոց, ի յանապատսիս մեծափառ Գայլիձոր կոչեցեալ... ի յիշխանութեան և տէրութեան համօրէն գաւառացս մեծ իշխանիս Բուրթելի, և որդոց նորին՝ Պէլզգեհնի և Իւանէի, իսկ ի տեղույս տէրութեան՝ թոռանց մեծին Պոռշայ՝ Ամիր Հասանայ և Զումայի»¹⁷: 1321 թ. Գլաձորում գրված մի հիշատակարանում գրիչ Կորյունը. որպես գավառի զորավարներ և իշխաններ, նախ հիշատակում է Բուրթելին և ապա Պոռշյան Ամիր Հասանին¹⁸: Նույն Գլաձորում 1323 թ. գրված հիշատակարանում Ծասյի Նչեցին Բուրթելին կոչել է իշխանաց իշխան և «յաղթող սպարապետ»¹⁹: 1328 թ., դարձյալ Գլաձորում գրված մի հիշատակարանում, նախ հիշվում են միշտ հաղթող Սիսական տան քաջ իշխան Բուրթելը, նրա զավակներ Բեշքեն և Իվանէն, ապա՝

9 Նույն տեղում, էջ 100, 166, 182—183, 261, 297:

10 Նույն տեղում, էջ 42:

11 «Դիվան», III, էջ 237:

12 Նույն տեղում, էջ 244:

13 «Բազմավեպ», 1947, № 9—10, էջ 216:

14 Նույն տեղում, էջ 217:

15 «ԺԴ», էջ 67:

16 Նույն տեղում, էջ 100:

17 Նույն տեղում, էջ 261:

18 Մ. Մաշտոցի անվան Մատենադարան (այսուհետև՝ Մատենադարան), ձեռ. № 4515, ք. 75, «ԺԴ», էջ 166:

19 «ԺԴ», էջ 182—183:

Պոռշյան Ամիր Հասանը, քաջ Վասակը, Ամիր Ասափը և մանուկ Զուման²⁰, 1337 թ. Սյունիքում գրված մի հիշատակարանում Բուրթելը համարվում է մեծ սպարապետ հայոց և վրաց. «...ի տէրութեան ւսանն Սիսակայ մեծ սպարապետին Հայոց և Վրաց թագադարմ իշխանին Բուրթէլին...»²¹; Սուլթանիայում 1341 թ. գրված երկու հիշատակարաններում Բուրթելը կոչվում է հյուպատոս²²; Վկայակոչված փաստերը հուշում են, որ Բուրթելը կապված է եղել վրաց արքունիքի հետ որպես հայոց և վրաց զորքերի սպարապետ և նրա դեսպանը՝ Չոբանյանների մայրաքաղաքում²³, Բուրթելն աչքի է ընկել նաև շինարարական գործունեությամբ: Նրա միջոցներով ու հովանաւորությամբ 1339 թ. կառուցվել է միջնադարյան Հայաստանի ճարտարապետական հույակերտ կոթողներից մեկը՝ ս. Աստվածածին երկհարկանի եկեղեցին: Բուրթելն ու իր որդիները եղել են Գլաձորի համալսարանի հովանավորները: Ծսայի նշեցին 1323 թ. Գլաձորում գրած հիշատակարանում երախտագիտութլամբ է խոստում Բուրթելի, նրա տիկնոջ՝ Վախախի և որդիների մասին²⁴; Ինչպես նշվեց, պատմագիտական գրականության մեջ Բուրթելի մասին ուսումնասիրողները վերջին տեղեկությունը համարում են 1344 թ.²⁵, Սակայն Հերհերի ս. Աստվածածին եկեղեցու 1345 թ. Գոնցա իշխանուհու թողած արձանագրության համաձայն Բուրթելը 1345 թ. կենդանի էր. «Կաման այ. ևս Գոնցէս թողն Հասանա ղուստր պարոնն Խաւարավկա միաբանեցայ սբ ուխտիս Նորավանից, պարոնութեան իշխանաց իշխան Բուրթէլին եւ տվի գխանգահի էգին Ամատին հողոյն... Թվ. ՉՂԴ. (1345)»²⁶; Բուրթելի մահվան ստույգ թվականը հայտնի չէ, սակայն նա իր մահկանացուն կնքել է 1347/48 թթ., քանի որ 1348 թ. Հերմոնի վանքում գրված հիշատակարանում Սյունյաց իշխաններ են հիշվում նրա որդիները՝ Բեշքենը և Իվանեն, իսկ Բուրթելի մասին նշված է. «...որոց քարի պաշտամամբ փոխեցելոյն առ Քրիստոս յոյսն ամենեցոյն պարոն Բիւրթէլին»²⁷; Բուրթելն ունեցել է երկու որդի՝ Բեշքեն և Իվանն: Սակայն Նորատուսի ս. Գրիգոր Լուսավորչի եկեղեցու պատի 1344 թ. արձանագրության սխալ վերծանումը Մ. Սմբատյանցի կողմից, որը արձանագրության «ամեղուցեալ» բառը վերծանել է Սամեղ²⁸, թյուրիմացության մեջ է գցել որոշ հետազոտողների, որոնք Բուրթելի վաղամեռիկ որդի են համարել նաև Սամեղին²⁹, Հետագայում վիճաբարգետ Ս. Բարխուդարյանի ընթերցմամբ այդ ընթերցումը շտկվել է. «Թվ. ՉՂԳ. (1344): Ծնորհին այ. ևս պարոնութե. իշխանին հայոց Բուրթէլին, ամատուր զաւակաց իւր Բէշքենայ եւ Ինանիկին, ևս, մեղուցե[ա]լ ծառայ այ Ավագս, վասն յերկար կենգանութն. պարոնաց մերոց, կամակից եղէ շինութեան վանիցս...»³⁰; Այս

²⁰ Մատենադարան, ձեռ. № 4515, Թ. 80—82:

²¹ «ԺԻ», էջ 297:

²² Նույն տեղում, էջ 328, 406:

²³ Հենվելով հայ-վրացական քաղաքական կապերի վրա, Բուրթելը ձգտել է վերապրեցնել հայ-վրացական երեսմի դինական համագործակցութլունը և, զորավիթ ունենալով այդ միասնական ուժը, հավանաբար, մտորում էր ստեղծել անկախ թագավորություն:

²⁴ «ԺԴ», էջ 182—183:

²⁵ Լևոն Խաչիկյան, նշվ. աշխ., էջ 176, Գ. Մ. Գրիգորյան, նշվ. աշխ., էջ 101:

²⁶ «Դիվան», III, էջ 223:

²⁷ «ԺԳ», էջ 369:

²⁸ Հենվելով հայ-վրացական քաղաքական կապերի վրա, Բուրթելը ձգտել է վերապրեցնել 1895, էջ 486:

²⁹ Ղ. Ալիշան, նշվ. աշխ., էջ 47, Լևոն Խաչիկյան, նշվ. աշխ., էջ 176:

³⁰ «Դիվան հայ վիճագրութլան», պրակ IV (այսուհետև՝ Դիվան, IV), կազմեց Ս. Բարխուդարյան, Երևան, 1978, էջ 21:

փաստը և այն, որ սկզբնաղբյուրներում, առանց բացառության, Բուրթելի հետ որպես նրա որդիներ հիշատակված են միայն Բեշքենը և Իվանեն, մեզ համոզում է, որ Բուրթելն ունեցել է միայն երկու որդի: Եթե Բուրթելը վաղամեռիկ որդի ունենար, ապա նա անպատճառ կհիշատակվեր, ինչպես հաճախ հանդիպում ենք վիժական արձանագրություններում և հիշատակարաններում³¹: Վերը նշված 1307 թ. ձեռագրի հիշատակարանում Բուրթելի զավակներին մասին կարդում ենք. «Եւ յաւետ ի խրատ եւ ի վարժումն մտաց եւ ի լուր ականջաց՝ երկուց աստուածատուր հարազատ զաւակաց իւրեանց Բէշքէնին եւ Իւանէին»³²: Բուրթելի մահից հետո իշխանությունն անցավ ավագ որդուն՝ Բեշքենին: Նա առաջին անգամ հիշատակված է հոր և եղբոր՝ Իվանեի հետ. կրննի գլուղի ս. Աստվածածին եկեղեցու 1321 թ. արձանագրության մեջ. «Ես տր. Յովյախէս Աւրպել Սիւնեց արհէպիսկոպոս շինող սուրբ եկեղեցոյս յիշել աղաչեմ. եւս եւ զբարեպաշտ իշխանաց իշխանն զարեան մերձաւորն իմ զքաջ մենամարտիկն զԲիւրթէլն եւ զժխոսփառ քսասէր զոյգն իւր զՎախախն նորաբողոքոջ զաւակաքն իւրեանց Բէշքէնին եւ Իւանէին: Թվ. 92. (1321)»³³: Սա Բեշքենի մասին մեզ հասած առաջին տեղեկությունն է, հետևյալս մենք չենք բաժանում նրա մասին առաջին տեղեկությունը 1322 թ. վերադրելու կարծիքը³⁴: Գլածորում 1323 թ. Եսայի Նիցու գրած հիշատակարանում երկրորդ անգամ հիշատակվում են Բեշքենը և Իվանեն³⁵, Իսկ 1337 թ. գրված հիշատակարանի բովանդակությունից տեղեկանում ենք, որ Բեշքենն իր հոր հետ զինվորական ծառայության մեջ էր գտնվում մերթ Թալրիզում, մերթ Սուլթանիեում և աչքի էր ընկել քաջութիամբ³⁶: 1337 թ. Սյունիքում գրած հիշատակարանում Սարգիս մետրոպոլիտը Բուրթելի հետ հիշում է նաև Բեշքենին և Իվանեին. «Գրաւոր քաջ զաւակաց նորին Պեշքենի և Իւանէի, որ ամենայնիւ նման գոլ հօրն բարեպաշտին»³⁷: Բեշքենը և Իվանեն հիշատակված են նաև Բուրթելաշեն եկեղեցու անթվակիր մի արձանագրության մեջ. «Վաման այ. ես պարոն Բիւրթէլ իշխանաց իշխան եւ ամուսին իմ Վախախ եւ որդիք իմ Բեշքեն եւ Իւանիկ շինէցաք քէկեղեցիս մեր հալալ արդեանց»³⁸: Քանի որ եկեղեցին կառուցվել է 1339 թ., հետևապես, այս շինարարական արձանագրությունը պետք է վերագրել այդ թվականին: Բեշքենը և Իվանեն հիշատակված են նաև 1349 թ. Թուղթանա իշխանուհու գնած Ավետարանի հիշատակարանում: Նա հայտնում է, որ Ավետարանը գնել է «...իշխանութեան քաջ զարավարին Հայոց, աստուածասէր եւ բարեպաշտ իշխանաց իշխանին Բեշքենայ եւ Իւանէ»³⁹: Սա սկզբնաղբյուրների վերջին հիշատակությունն է Բեշքենի վերաբերյալ: Հայրավանքի անթվակիր մի արձանագրության համաձայն Բեշքենը և Իվանեն վանքին են նվիրել «Բերդի : Զ : ըստակա» և մեկ ջրաղաց⁴⁰: Գ. Գրիգորյանը գրում է, որ Բեշքենը, հավանաբար, մա-

31 Քարի երկու կտորների վրա փորագրված անթվակիր մի արձանագրությունում, որը գտնվել է Բուրթելաշեն եկեղեցու բակում, հիշատակված է Սմբատ անունով մի պատանի. «Վարդազոյս տղան Սմբատ, որդի Բիւրթէլին» (Դիվան, III, էջ 244): Կարծում ենք, որ այս Սմբատը խնդրո առարկա Բուրթելի որդին չէ: Հիշյալ Սմբատը ամենայն հավանականությամբ 1261 թ. հիշատակված Բուրթելի որդին է, որը, սակայն, չկա Գ. Գրիգորյանի կազմած Օրրեկյանների տոհմաճառում (նշվ. աշխ., 260 էջի ներդիր):

32 «Բազմավեպ», 1947, № 9—10, էջ 217:

33 «Դիվան», III, էջ 29:

34 Լևոն Խաչիկյան, նշվ. աշխ., էջ 176:

35 «ԺՊ», էջ 132:

36 Նույն տեղում, էջ 292:

37 Նույն տեղում, էջ 297:

38 «Դիվան», III, էջ 240:

39 «ԺՊ», էջ 375:

40 «Դիվան», IV, էջ 71:

հացել է մինչև 1377 թ.⁴¹, Սա անորոշ է ասված և կարելի է հասկանալ, որ Բեշքենը մահացել է 1377 թ. ոչ շատ առաջ: Քանի որ 1367 թ. Յաղաց քարի վանքի արձանագրությունում հիշատակված է միայն Իվանեն⁴², վստահ կարելի է ասել, որ 1367 թ. առաջ Բեշքենը մահացել էր, այդ պատճառով էլ արձանագրության մեջ նրա անունը չի հիշատակվել: Իվանեն, ինչպես արդեն տեսանք, աղբյուրներում հիշատակվել է հոր և մեծ եղբոր հետ: Նրա անվանը հանդիպում ենք մի քանի ձևով՝ Իվանե, Իվանիկ, Նանիկ և այլն: Նրա մասին առաջին տեղեկությունը, ինչպես ասվեց, հանդիպում է 1321 թ. Արենի գյուղի արձանագրության մեջ⁴³: Յաղաց քարի վանքի 1367 թ. արձանագրության մեջ, որը թողել է ոմն Լիանոս՝ իր որդի Սամսոնի հիշատակին վանքին հողամաս նվիրելու կապակցությամբ, Իվանեն հիշվում է տեղի իշխան Ե՛՛՛խանու՛թը. Իւանէի...»⁴⁴, Իվանի մասին վերջին տեղեկությունը վերաբերում է 1377 թ.: Այս թվականին գրված մի հիշատակարանում գրիչը հայտնում է, որ հայոց իշխանությունը նվազել էր և մնացել էր միայն Բուրթնիկ որդի Իվանեն, որը կոչվում էր նաև Իվանիկ⁴⁵: Թե մինչև երբ ապրեց Իվանեն, հայտնի չէ, սակայն պարզ է, որ Լանկ-Թամուրի դեպի Սյունիք կատարած արշավանքից առջև նա արդեն մահացել էր:

Ինչպես Բեշքեն և Իվանե իշխանների որդիներին ու թոռներին անդրադառնալը, հարկ է խոսել XIV դ. ապրած ու գործած Օրբելյան մյուս իշխանների մասին: Սյունյաց մետրոպոլիտական աթոռին XIII դ. վերջից մինչև 1302 թ. նստած էր Տարսայիճի որդին՝ նշանավոր պատմագիր Ստեփանոս Օրբելյանը: 1302 թ. այդ պաշտոնը ստանձնեց պատմագրի հորնեղբոր թոռը՝ Լիպարիտ Օրբելյանի որդի Հովհաննես Օրբելյանը: Դա մենք իմանում ենք 1302 թ. Հովհաննեսի գրած հիշատակարանից. «Ես աէր Յովհաննէս, յաղզէ Աւրպելեանց, պուսաթրանտէս հայոց մեծաց և մետրապոլիտ Սիսական նահանգի»⁴⁶: Այսպիսով, ինչ-ինչ պատճառներով, թերևս ծերության կամ մեկ այլ, Ստեփանոս մետրոպոլիտի կենդանության ժամանակ մետրոպոլիտության պաշտոնն անցել էր Հովհաննեսին: Նա երկրորդ անգամ հիշատակվում է 1306 թ.՝ Սարգիս գրիչի կողմից⁴⁷, իսկ 1310 թ. մի ձեռագրի հիշատակարանում կոչվում է Սյունյաց նահանգի վերադիտող⁴⁸: Գրիգոր Դուփյան իշխանը 1312 թ. Սմբատի դամբարանի հյուսիսային պատին թողած արձանագրությունում հայտնում է, որ Հովհաննեսի հայրապետության ժամանակ այգի է նվիրել վանքին⁴⁹: Հովհաննեսը 1321 թ. կառուցել է Արենիի ս. Աստվածածին եկեղեցին և այդ մասին թողել արձանագրություն. «Ես տր. Յով[ա]յնէս Աւրպել Սիւնեց արհէպիսկոպոս շինող սուրբ եկեղեցոյս լիշել աղաչեմ... թվ. 92: (1321)»⁵⁰: 1321 և 1323 թթ. հիշատակարաններում նա հիշվում է Ստեփանոս-Տարսայիճի հետ, որպես «մետրապոլիտ եւ այցելու Սիւնեաց երկոտասան գաւազանաց»⁵¹: Սկզբնաղբյուրներում Հովհաննեսի վերաբերյալ 1323 թ. հիշատակությունը վերջինն է: Հակառակ այն կարծիքի, թե չգիտենք երբ է մահացել Հովհաննեսը⁵², ասենք, որ նա մահացել է 1324 թ. և թաղվել Նորա-

41 Գ. Գրիգորյան, նշվ. աշխ., էջ 105:

42 «Դիվան», III, էջ 144:

43 Նույն տեղում, էջ 29:

44 Նույն տեղում, էջ 144:

45 Գ. Ալիշան, նշվ. աշխ., էջ 96:

46 «ԺԴ», էջ 7:

47 Նույն տեղում, էջ 42:

48 Նույն տեղում, էջ 64:

49 «Դիվան», III, էջ 239:

50 Նույն տեղում, էջ 29:

51 «ԺԴ», էջ 166, 182—183:

52 Լեոնեա շիկյան, նշվ. աշխ., էջ 190:

վանքում Ստեփանոս Օրրեւյանի կողքին: Նրա տապանաքարին արձանագրված է. «ԹՎԻ : 227: (1324) տուն իմաստից եւ հանճարոյ Աւրպէլ զՈւլանէս հուկաւոր մետրապոլիտ Սունեաց»⁵³: Հովհաննեսի մահից հետո, 1324 թ., Սյունյաց մետրոպոլիտ է դարձել Ստեփանոս-Տարսայիճը: Նա Զալալ Օրրեւյանի որդին էր (երկրորդ կնոջից), Տարսայիճի թոռը: 1314 թ. Գլաձորում գրված մի ավետարանի հիշատակարանում նա հիշվում է որպէս «դեռաբողբոջ և լուսաղարդ պատանի»⁵⁴: Իսկ 1321 թ. Ստեփանոս-Տարսայիճը Հովհաննեսի հետ հիշվում է որպէս «վերադիտող տանս Սիւնեաց»⁵⁵: Նա պատանի հասակում ձեռնադրվել է արքեպիսկոպոս և կարգվել Սյունյաց արքեպիսկոպոսական աթոռի տեղապահ⁵⁶: Ստեփանոս-Տարսայիճը 1331 թ. հիշատակված է որպէս «զլուսի արհիբրից աթոռոյս Սիւնեաց Տաթևոյ և Նորավանից և Յիսաքքարայ, պետ երկոտասան գաւառաց... հզար և իմաստուն զիտնական»⁵⁷: Ստեփանոս-Տարսայիճը Նղեզիս ավանում կառուցել է ս. Աստվածածին եկեղեցին. «ես տր. Ստեփանոս, որդի Զալալին, թոռն մեծի Տարսաիճին հիմնարկել շինեցի եկեղեցիս յանուն սրբուհոյ Ածածնայ»⁵⁸: Արձանագրությունը եղծված է, չկա թվականը: Թե մինչև երբ ապրեց ու գործեց Ստեփանոս-Տարսայիճը, դժվար է ասել:

XIV դ. երեք արձանագրություններում հիշատակված է Լիպարիտի որդի Սմբատ իշխանը: Հերհերի ս. Աստվածածին եկեղեցում 1317 թ. Սմբատի թողած արձանագրությունից պարզվում է, որ նա 12 տարի Մարում գերի մնալուց հետո աղատվել է և վերադարձել հայրենիք⁵⁹: 1339 թ. Սմբատը մի այգի է նվիրել Սպիտակավոր Աստվածածնի վանքին. «Կաման այ. ես Սմբատ, որդի Լիպարիտի միաբանեցա աւագ անապատիս սբ. Կարապետիս եւ Սպիտակաւոր Ածածնիս եւ տվի զՎախթանկենց այգին իւր ամէն հատաւն զծառ և տունկ, որ հանապազ զմեղ ի պատարագն յիշեն... թվ. : 229: (1339)»⁶⁰:

1348 թ. Սմբատի տիրույթները կառավարում էր նրա որդի Պենան, որը նույն թվականին Թանատի վանքի ս. Ստեփանոս եկեղեցու իր մի արձանագրությունում գրել է. «Կամաւ ամենակալին այ. ես Պէնա, որդի Սմբատա, թոռն Լիպարտի, տեր Փանծաթաղին եւ ամուսին իմ Սուսա միաբանեցաք սբ. Ստեփանոսիս եւ տուաք ի մեր հալալ հայրէնեաց որ ի Փանծաթաղին զՄագմանենց եւ զԱւանշենց էգին մեր հոգոյս բաժինն... : 271: (1348)»⁶¹: XIV դ. առաջին կեսին Օրրեւյան իշխաններից բավականին ազդեցիկ դիրք ունեւր Լիպարիտի մյուս որդին՝ Զեսար Օրրեւյանը: Վերջինիս վերաբերյալ առաջին տեղեկությանը հանդիպում ենք 1310 թ. մի ձեռագրի հիշատակարանում, ուր նա հիշվում է Հովհաննես արքեպիսկոպոսի, Բուրթելի և Բուղդայի հետ⁶²: Ապա Զեսարը հիշատակվում է Գլաձորի մի խաչքարի 1311 թ. արձանագրությունում՝ որպէս տեղի իշխան. «: 24: (1311) իշխանութի. պարոն Զեսարին. կաման այ. ամենակալին ես Վարդալահ կանկնեցի զխաչս յիշատակ ինձ եւ ծնողաց իմոց»⁶³: Զեսարի մասին Ղ. Ալիշանը գրում է, որ նա Սմբատ իշխանի

53 «Դիվան», III, էջ 232:

54 «ԹԴ», էջ 100:

55 Նույն տեղում, էջ 166:

56 Նույն տեղում, էջ 231:

57 Նույն տեղում, էջ 231:

58 «Դիվան», III, էջ 108:

59 Նույն տեղում, էջ 55:

60 Նույն տեղում, էջ 98:

61 Նույն տեղում, էջ 81:

62 «ԹԴ», էջ 66—67:

63 «Դիվան», III, էջ 102:

որդին էր⁶⁴ Սակալն Սելլիմի քարավանատան դահլիճի արևելյան պատի արձանագրութեան բովանդակությունը ոչ միայն որոշում է Չեսարի ինքնությունը, այլև նրանում հիշատակվում են նրա եղբայրները. «Ցանուն ամենակարող հզարին այ. ի թվ. : 92 Ա: (1332), յաշխարհակալութե. Բուսաիդ դանին, ես Չեսար, որդի իշխանաց իշխանին Լիպարտի եւ մարն Անաին, թոռն Իվանէի, եղբարց իմ առիծագեղ իշխանացն Բիրթելին եւ Սմբատա եւ էլիկումին, յազգէ Աւրպէլէնց, եւ կենակից իմ խորիշահ, դուստր իշխանին Վարդան(ն)ա եւ Գոփին քր...րեն, յազգէս Սենիքարիմանց ի հալալ արդեանց մերոց շինեցաք զհոգետունս ի փրկութի. հոգոց մեր եւ ծնողաց եւ եղբարց մեր ի քս ննջեցելոց. եւ կենաց եղբարց իմոց եւ որդոց Սարքսի եւ Հովանիսի քահանաի, Քրդին եւ Վարդին... ի թվիս : 92 Ա: (1332)»⁶⁵. Արձանագրութեան մեջ հիշվում են Չեսարի երեք եղբայրները միայն (Հովհաննես մետրոպոլիտր նույնպես Չեսարի եղբայրն էր): Չեսարի եղբայրներից Սմբատի մասին վերը խոսվեց, իսկ Բուրթելի և էլիկումի մասին աղբյուրներում հանդիպում ենք միայն կցկտուր տեղեկությունների: Չեսար Օրբելյանը վերջին անգամ հիշատակվում է Հորս դյուղի մի խաչքարի 1349 թ. արձանագրությունում. «Թվ. : 92 Ա: (1349) իշխանութե, պարոն Չեսարին. ես Տիրի կանկնեցի ղխալս ի փրկութի հոգոյ իմոյ»⁶⁶: Չեսարի ժառանգների վերաբերյալ աղբյուրներում հանդիպում ենք ժլատ տեղեկությունների: Նրա որդիներից Իվանեն մահացել է պատանի հասակում և թաղվել Նորավանքի բակում: Ահա նրա տապանագիրը.

«Կայ հանգուցեալ յայս տապանի
Չքնաղ մանուկ զարմանալի,
Որ Իւանէ անուն կոչի.
Նղջիւր ծագեալ Աւրբելեցի,
Որդի Չեսար մեծ իշխանի»⁶⁷:

1349 թ. Երեւան վանքում ընդօրինակված ավետարանի հիշատակարանը արժեքավոր տեղեկություններ է պարունակում Վայոց ձորի մի մասում իշխող Շահուտեցիների իշխանական տան և Օրբելյանների հետ նրանց հարաբերությունների մասին⁶⁸: Հիշատակարան ստացող Թուղթանա իշխանուհին հայտնում է, որ ինքը դուստրն է Որոտանի տիրոջ՝ Իվանի իշխանի, և հարս է եկել Շահուտեցիների տուն: Նա Վահրամ իշխանի որդու՝ Ամատայի, կինն էր: Ամատա իշխանը եղել է Օրբելյանների սպարապետը: Հիշատակարանում տեղեկություններ են հաղորդվում Թուղթանայի եղբայրների՝ քաջ քարտուղար և երջանիկ բարունապետ Հովհաննես վարդապետի, Հասանի ու Զաքարիայի մասին⁶⁹: Վահրամը գինեգորական ծառայության մեջ էր Տարսայիճ Օրբելյանի մոտ և, հավանաբար, վարել է նրա զորքի սպարապետության պաշտոնը: Նրա կինը՝ Գոնցան, իրեն համարում է յազգէ Տարսաիճեանց⁷⁰: Սրանք ունեցել են երեք որդի՝ Ուքան, Հասան և Ամատա: Իր ծնողների, ամուսնու, եղբայրների և դստեր՝ Նաթելի, հիշատակին Թուղթանան գնել է հիշյալ ավետարանը և նվիրել Երեւանի վանքին: Հիշատակարանից իմանում ենք, որ Ամատա իշխանը արու զավակ չի ունեցել և Բուրթելն ու Վախախը իրենց թոռանը՝ Կուկային (Բեշքենի որդուն) ամուսնացրել են Նաթելի հետ և նրա տնօրինությանը հանձնել Ամատա իշխանի կալվածքները⁷¹:

64 Ղ. Ա. Ի. շ. ա. նշվ. աղխ., էջ 99:

65 «Դիվան», III, էջ 177—178:

66 Նույն տեղում, էջ 166:

67 Նույն տեղում, էջ 233:

68 «ԺԳ», էջ 375—376:

69 Նույն տեղում:

70 «Դիվան», III, էջ 56:

71 «ԺԳ», էջ 375—376

Ինչպես արգեն նշվեց, Լանկ-Քամուրի դեպի Սյունիք կատարած արշավանքից առաջ Իվանեն մահացել էր: Նրա մահից հետո (Թվականը հայտնի չէ) Սյունիքի դահերեց իշխաններն էին որդիները՝ Բուրթելը և Սմբատը⁷²: Ուստի համաձայն շենք Գ. Հովսեփյանի այն կարծիքին, թե Բեշքենից հետո Օրրեւլանների ֆեոդալական տունը կառավարում էին Չեսարի ժառանգները⁷³: Բուրթելից և Սմբատից դատ, Իվանեն ունեցել է երկու արու զավակ՝ Ստեփանոս և Գորգուն: Ստեփանոսը հետագայում դարձել է Սյունյաց եպիսկոպոս: Դ. Ալիշանը այս Ստեփանոսին Սյունյաց եպիսկոպոս է հիշատակում XV դ. առաջին կեսին⁷⁴: Սակայն փաստերի քննությունը մեզ բերում է այն հետևություն, որ Ստեփանոսը Սյունյաց եպիսկոպոս էր XIV դ. երկրորդ կեսին: Ստեփանոսի մասին առաջին տեղեկությունը հաղորդում է Մատենադարանի մի ձեռագիրը, որի 373-րդ հիշատակարանը գրել է ինքը՝ Ստեփանոսը. «Ես տէր Ստեփանոս մականուն Սուլթանշահ, թոռն Բուրթելին որդի Նանիկին եղբարն Բշքինի պարոնի՝ ի Քրիստոս է հանգուցել: Մեք վկայ եմք այս սուրբ Աւետարանիս Վահրամայ և իւր եղբայր, իւրեանց հալալ արդեմք գնեցին զայս սուրբ Աւետարանս...»⁷⁵: Գ. Գրիգորյանն այս Ստեփանոս-Սուլթանշահին կոչում է Ստեփանոս Իվանե մականունով⁷⁶: Այս Ավետարանի 374 էջում կա ոմն Գրիգոր քահանայի հիշատակությունն այն մասին, որ ինքը 1366 թ. իր հալալ արդյունքով գնել է Ավետարանը՝ «քիշատակ ինձ և ծնողաց իմոց եւ եղբարց»: Ինչպես ապացուցել է Լ. Խաչիկյանը, Ստեփանոս Սուլթանշահի հիշատակարանը Գրիգոր քահանայի հիշատակարանի անմիջական շարունակությունն է⁷⁷: Հետևապես, Ստեփանոս Սուլթանշահի հիշատակարանը գրված է 1366 թ. կամ դրանից քիչ հետո: Այս Ստեփանոսը նույնացվել է «Տաղ տէր Ստեփանոսին Սիւնեաց եպիսկոպոսին» պոեմի հերոսի հետ⁷⁸: Պոեմի բովանդակությունից իմանում ենք, որ Ստեփանոսը պատանի հասակից մինչև հոգևոր կոչում ընդունելը Թավրիզում եղել է զինվորական ծառայության մեջ և աչքի է ընկել իր քաջությամբ: Նա մեզ անհայտ պատճառներով սպանել է իր խորթ մորը՝ էլխոսթուփն և վերջինիս ազգականների պահանջով հայրը ստիպված է եղել զլխատել տալ Ստեփանոսին⁷⁹: Ստեփանոսի մահը, հավանաբար, տեղի է ունեցել XV դ. սկզբներին: Մեր կարծիքով այս ժամանակաշրջանում է ստեղծվել վերոհիշյալ պոեմը: Այստեղից էլ շենք կարող համաձայնվել Աս. Մնացականյանի այն կարծիքին, թե քննվող պոեմը XIII դ. երկրորդ կեսի կամ առնվազն XIV դ. սկզբների արդյունք է⁸⁰:

Գորգունի մասին, որը Իվանեի շորրորդ զավակն էր, մեզ ավելի քիչ բան է հայտնի: Մամվի Անեցու ժամանակագրության շարունակողը Գորգունի մասին գրել է. «Ի ՊԼԵ (1386) ամին թուրքն էառ զբերդն Որտտան՝ և մեծ վարդապետն Կախիկ գնաց փախստական ի Մարայ՝ և պարոն Գորգունէն դարդամահ եղև»⁸¹: Ժամանակագիրը, հավանաբար, նկատի ունի Թոխթամիշի արշավանքը, երբ սա Թավրիզից մտավ Նախճավան և Սյունիք ու այնպիսի ավերածություններ գործեց Սյունիքում, որ իշխան Գորգունը վշտահար եղավ: Սրա որդին էր Տարսայիձ իշխանը, որը XV դ. սկզբին իշխում էր Եղեգիսում:

72 Դ. Ալիշան, նշվ. աշխ., էջ 96:

73 Գ. Հովսեփյան, նշվ. աշխ., մասն առաջին, էջ 250:

74 Դ. Ալիշան, նշվ. աշխ., էջ 218:

75 Մատենադարան, ձեռ. № 9450, էջ 373:

76 Գ. Մ. Գրիգորյան, նշվ. աշխ., Օրրեւլանների տոհմածառը (260 էջ ներդիր):

77 Լևոն Խաչիկյան, նշվ. աշխ., էջ 179—180:

78 Ասատուր Մնացականյան, Միջնադարյան հայրենասիրական մի նորահայտ պոեմ («Բանբեր Մատենադարանի», № 8, Երևան, 1967, էջ 291—317):

79 Նույն տեղում:

80 Նույն տեղում, էջ 300:

81 «Սամուէլի քահանայի Անեցույ Հաւաքմունք ի գրոց պատմագրաց», Վաղարշապատ, 1893, էջ 170:

Տարսայիճը հիշատակվում է այն իշխանների թվում, որոնք Միրզա-Օմարի կողմից բռնությամբ կրոնափոխ եղան. սակայն հետագայում վերադարձան քրիստոնեական հավատին: Տարսայիճի մասին Գրիգոր Ախալցխացի գրիչը Հերմոնի վանքում 1415 թ. գրել է, որ նա զրկվել էր իր կալվածքներից. նվաճողները խլել էին նրա ողջ գյուղերն ու ագարակները, իսկ «նա փախեալ և թագուցեալ էր ի ծերպս վիմաց և ի մայրիս»⁸²: Սա Տարսայիճի մասին վերջին տեղեկությունն է: 1385 և 1387 թթ. Սյունիք ներխուժած Թոխթամիշի և Լանկ-Թամուրի հրոսակախմբերը բարբարոսական ավերածությունների ենթարկեցին տեղի շեներն ու ավանները: Այդ ներխուժումները ծանր հարված հասցրին Օրբելյան ֆեոդալական տանը: Հակոբ գրիչը Թոխթամիշի արշավանքի մասին գրում է. «Եւ մինչդեռ անճառ ցնծութեամբ և բերկրալից ուրախությամբ լեցեալ կայք, ըստնին 460 աշակերտօքի, ի բնիկ գաւառն իւր յերկիրն Որոտան, կարդալով և գրելով զսուրբ մատեանս, մեղքն իմ ծովացեալ եհան դգունգըս անօրինացն ի վերայ քրիստոնչից, մանաւանդ ի վերայ տանն Բուրթելի: Որ եկին և առին զբերդն Որոտան, և հայրենազուրկ արարին զպարոն Սմբատն, որդի Նանիկին»⁸³: Սա նաև առաջին տեղեկությունն է իվաների որդու՝ Սմբատի, մասին: Տաթևցի գրիչը Միմոնը 1400 թ. գրած հիշատակարանում, նկարագրելով հայերի համար ստեղծված ծանր վիճակը, հայտնում է, որ հիշատակարանը գրել է Սմբատի և Բուրթելի իշխանության ժամանակ⁸⁴, իսկ 1401 թ. Տաթևում գրված հիշատակարանի գրիչը հայտնում է, որ իր մատյանը գրել է Սյունյաց նահանգում, պարոն Սմբատի և նրա եղբոր՝ պարոն Բուրթելի, իվաների որդիների և մեծ Բուրթելի թոռների իշխանության ժամանակ⁸⁵: Թ. Մեծոփեցու վկայությամբ Լանկ-Թամուրի երկրորդ արշավանքից (1394—1396) հետո Իրանի և Անդրկովկասի կառավարիչ նշանակված Օմարը հինգ հայ իշխանների բռնությամբ մահմեդական է դարձնում, որոնց թվում Օրբելյան երեք իշխանների՝ իվաների որդիներ Բուրթելին ու Սմբատին, Գորդունի որդի, Եղեգիսի տեր Տարսայիճին⁸⁶: Թերևս այս անցքն է նկատի ունեցել Առաքել Սյունեցին, երբ 1403 թ. Օրբելյան իշխանների մասին գրել է.

«Այլ և իշխանըն մեծ՝ Սրմբատ,
 ԶԲիւրթէլ՝ եղբայրն իւր հարազատ,
 Զաւակը նոցա ծնընդեամ արատ,
 Տազդէս Հայոց լինել անհատ»⁸⁷:

Բռնությամբ կրոնափոխված հայ իշխանները, հավանաբար, մեծ փրկագին տալով, վերադարձել են հայրենիք: 1406 թ. Սմբատը և Բուրթելն արդեն Սյունիքում էին: Այս թվականին Տաթևում գրած իր հիշատակարանում գրիչ Գրիգորը տեղի իշխաններ է հիշատակում Սմբատին և Բուրթելին. «Իշխանութեամբ տեղիս բարեպաշտ իշխանացն Սմբատի և Բուրթելի, ի թվականիս Հայոց ՊԾԾ (1406)»⁸⁸, Ղ. Ալիշանը գտնում է, որ Բուրթելը մահացել է 1401 թ.⁸⁹: Սկզբնաղբյուրների վկայությամբ, 1407 թ. երկրում տարածված համաճարակից մահացել են Բուրթելն ու իր որդիները, ինչպես նաև Սմբատի

⁸² «ԺԵ դարի հայերեն ձեռագրերի հիշատակարաններ» (այսուհետև՝ «ԺԵ», կազմեց Լ. Խաչիկյանը, մասն Ա, Երևան, 1955, էջ 656:

⁸³ «ԺԴ», էջ 560:

⁸⁴ Նույն տեղում, էջ 632:

⁸⁵ «ԺԵ», մասն Ա, էջ 4:

⁸⁶ «ԺԵ», մասն Ա, էջ 4:

⁸⁷ «Թոքմա վարդապետի Մեծորեցոյ Պատմութիւն Լանկ Թամուրայ և յաշրգաց իւրոց», Փարիզ, 1860, էջ 67—68:

⁸⁸ «ԺԵ», մասն Ա, էջ 35:

⁸⁹ Նույն տեղում, էջ 57:

⁹⁰ Ալիշան, նշվ. աշխ., էջ 96:

որդին⁹⁰։ Այս անցքերին անդրադարձել է նաև գրիչ Թուման, որը 1407 թ. Տաթևի վանքում գրել է. «յոյժ տրտմեցաք, զի իշխան մեր Բիրթէլ կոչեցեալ՝ ի Բրիստոս փոխեալ, մանկամ(բ)քն ծաղկեալ»⁹¹։

1407 թ. Աբու-Բաքրի դեմ Ղարա-Յուսուֆի և Ջելաիրյան Ահմադի մղած պատերազմին մասնակցում էր նաև Սմբատ Օրբելյանն իր հեծյալ գնդով⁹²։ Լանկ-Քամուրի թոռ Աբու-Բաքրին հաղթելուց հետո, երբ Ղարա-Յուսուֆը դբադված էր Աղ-Կոյունլուների առաջնորդ Ղարա-Օսմանի դեմ պատերազմելու, օգտվելով հարմար առիթից, Ջելաիրյան Ահմադը 1410 թ. գրավեց Թավրիզը։ Սմբատ Օրբելյանը օժանդակեց Ահմադին, որի փոխարեն ստացավ Անգեղակոթ դյուղը⁹³։ Տեղեկանալով կատարվածի մասին, Ղարա-Յուսուֆը հաշտույթյուն է կնքում Ղարա-Օսմանի հետ և շտապում Թավրիզ՝ իր դավաճան դաշնակցին պատժելու համար։ Նա գրավում է Թավրիզը և 1410 թ. մահապատժի ենթարկում Ջելաիրյան Ահմադին։ Յուսուֆն անպատիժ շփողեց նաև Սմբատ Օրբելյանին՝ գրավեց նրա նստոց Որոտան բերդը. «էառ զՈրոտան ի Սմբատէ», գրում է Թ. Մեծոփեցին⁹⁴։ Սմբատ Օրբելյանը Յուսուֆի հալածանքներից ազատվելու համար փախավ Վրաստան, ուր և կնքեց իր մահկանացուն։ Նրա մասին վերջին տեղեկությունը հանդիպում է Ախալցխա գյուղաքաղաքում 1412 թ. գրված մի հիշատակարանում⁹⁵։ Հովհաննես գրիչը 1415 թ. Տաթևում գրած հիշատակարանում տեղի իշխաններ է հիշատակում Սմբատի որդիներին՝ Բեշքենին և Շահին⁹⁶։ Մաթևոս Մոնոզոն գրիչը 1417 թ. Գանձասարի վանքում գրած իր հիշատակարանում անդրադառնալով այս անցքերին, արձանագրել է. «Բանյիլ ան, որ կայր մնացեալ շառափղն տանն Բիրթեքեանց՝ գնաց փախըստական փ Տունն Վրաց, որոյ անուն Սրմբատ կոչիր, և անդ՝ ի յօտարութեանն վախճանեցալ։ Եւ մնացեալ Բ. որդիք իւր եկին ի հայրենիս իւրեանց, և ոչ են տեարք իշխանութեանն իւրեանց, այլ ընդ ձեռամբ անօրինաց»⁹⁷։

Սմբատն ունեցել է չորս որդի՝ Բեշքեն, Իվան-Ստեփանոս և Շահ, իսկ նրա շորորդը որդին, որի անունը սկզբնաղբյուրներում չի պահպանվել, ինչպես նշվեց, 1407 թ. համաճարակից մահացել է իր հորեղբոր և նրա զավակների հետ։

Սմբատի ավագ որդի Բեշքենի մասին առաջին տեղեկությունը հանդիպում է 1406 թ. Տաթևում գրված մի հիշատակարանում, ուր նա հիշատակված է որպես տեղի իշխան⁹⁸։ Բեշքենը և նրա եղբայր Շահը հիշատակված են նաև 1451 թ. Տաթևում գրված հիշատակարանում⁹⁹, իսկ 1422 թ. Տաթևում շարադրված մեկ այլ հիշատակարանում Բեշքենը հիշատակվում է որպես տեղի իշխան։ Այդ նույն հիշատակարանից իմանում ենք, որ Սմբատի մյուս որդին՝ Ստեփանոսը, որը Սյունյաց նահանգի հոգևոր առաջնորդն էր, գնացել է Վրաստան՝ մոր մոտ, ուր և կնքել է իր մահկանացուն¹⁰⁰։ Որպես Սյունյաց իշխան, Բեշքենը հիշատակում է նաև 1428 թ. Անգեղակոթ դյուղում գրիչ Մովսես Անգեղակոթցու գրած հիշատակարանում. «Գրեցաւ... ի զանութիւն Սքանգար միրդին, և յիշխանութիւնն Բէշկ(են)ին»¹⁰¹։ 1429 թ. մի հիշատա-

90 «ԺԵ», մասն Ա, էջ 80։

91 Նույն տեղում, էջ 75։

92 Թ. Մեծոփեցի, էջ 72—73։

93 Նույն տեղում, էջ 74։

94 Նույն տեղում։

95 «ԺԵ», մասն Ա, էջ 133։

96 Նույն տեղում, էջ 653։

97 Նույն տեղում, էջ 194։

98 Նույն տեղում, էջ 58։

99 Նույն տեղում։

100 Նույն տեղում, էջ 292։

101 Նույն տեղում, էջ 382։

կարանից իմանում ենք, որ Բեշքենը մի Ավետարան է նվիրել Սյունեական-քին¹⁰²։ Բեշքենի որդի Ռուստամը փորձել է Իսքանդարի մոտ ծառայության մտնելու ճանապարհով վերականգնել Օրբելյանների իրավունքներն իրենց նախկին տիրույթների վրա և հասել է որոշ հաջողությունների։ Սակայն Օրբելյանների այս հաջողությունը ժամանակավոր եղավ։ Երբ 1434—1435 թթ. Շահ-ռուխը երրորդ անգամ արշավեց Իսքանդարի դեմ, վերջինս թողեց Քավրիզը, իսկ Շահռուխն իշխանությունը հանձնեց Ջահանշահին՝ Իսքանդարի եղբորը։ Իսքանդարը ապավինելով մի ամրոցից մյուսին, փորձում էր ետ նվաճել կորցրած իշխանությունը։ Ի վերջո, Երնջակ բերդում 1437 թ. նա մորթազերծ արվեց։ Բնական է, որ հալածանքի պետք է ենթարկվեին նաև Իսքանդարի վասալները, այդ թվում Ռուստամ Օրբելյանը և իր հայրը՝ Բեշքենը։ Ք. Մեծոփեցու վկայությամբ, Շահռուխի հալածանքներից խուսափելու նպատակով, Բեշքենը և իր որդին 6000 հոգով գաղթում են Լոռի¹⁰³։ Բեշքենը վրաց Ալեքսանդր թագավորից ստանում է հայկական Լոռի բերդը։ 1437 թ. Շմավոն վարդապետի գրած հիշատակարանում Բեշքենը և Ռուստամը հիշվում են որպես տեղի իշխաններ. «Իշխանութեան տեղոյս իշխանաց իշխանին պարոն Բէշքենին՝ շառաւիղին՝ Օրբելեանց, և որոյց փւրոյց պարոն Ըրքստամին, որ և է ինձ հոգևոր որդի, զոր տէր աստուած պահեսցէ անսասան կենալք զպարոն Բէշքենն ծաղկեալ զաւական իւր մինչ ի խորին ծերութիւնն»¹⁰⁴։ Սակայն վրաց թագավորը 1438 թ. դեղամահ է անել տալիս իր աներոջը՝ Բեշքենին¹⁰⁵, Հավանաբար, Բեշքենին թունավորելու գործում դեր է խաղացել նաև Ջահանշահի վրեժխնդրության հարցը։ Վրաց թագավորը թերևս երկյուղում էր, որ Ջահանշահը իրենից վրեժխնդիր կլինի Բեշքենին ապաստան տալու համար։ Բեշքենի դավադրական սպանության ժամանակ նրա Շահ անունով եղբայրն ապրում էր Վրաստանում. «Սև անարի գտեալ (Շահը—Գ. Կ.) և ոչ ի խնդիր ելեալ հայրենի գավառին»¹⁰⁶։ Ք. Մեծոփեցին մեղադրում է Շահին, որը վախեցավ պաշտպանել հայրենի կալվածքները և վրեժխնդիր լինել եղբոր համար։

Բեշքենի Ռուստամ որդին 1429—1436 թթ. Իսքանդարի արքունիքում վարում էր մեծ վեզիրի և արքունի խորհրդականի պաշտոն։ Այս ընթացքում Ռուստամ Օրբելյանը ձեռք էր բերել մեծ հռչակ։ 1431 թ. նա էջմիածինի վանքին է վաճառել յոթ գյուղ։ Այդ առթիվ գրված կալվածագրում Ռուստամը հիշվում է հետևյալ տիտղոսներով. «Վեհհանձնյա ամիր և տեր, մեծափառ, ազնվաշուք, բարձրաստիճան, բարձրագույն, ծառայության արժանացած մեծահարգ վեզիր, նորին կայսերական մեծության՝ սուլթանի մերձավորներից, ամենազոր արքայական պետության սիրելի, մեծագույն սուլթանների խորհրդական, արքաներից ամենից իմաստունի վստահելին, որի անձը վեր է ամեն տեսակ նկարագրությունից և զովասանքներից, հավիտենականության տեր աստծու ողորմածությամբ իշխանության և կրոնի քաջահաղթ ամիր Ռուստամը, որդի ամիր Բեշքենի, որդի ամիր Սմբատի»¹⁰⁷։ Ռուստամն իր ծառայության դիմաց կալվածքներ է ստանում ինչպես Սյունիքում, այնպես էլ Արարատյան երկրի Արագածոտն, Կոտայք և այլ գավառներում¹⁰⁸։ Տեսանք, որ Ռուստամը Ջահանշահի հալածանքներից խուսափելու նպատակով ապաստան էր գտել Լոռիում՝ հոր մոտ։ Սակայն XV դ. կեսերից նա նորից է երևում Սյունիքում։

102 Նույն տեղում, էջ 392։

103 Ք. Մեծոփեցի, էջ 117—119։

104 «ԺԾ», մասն Ա, էջ 468։

105 Ք. Մեծոփեցի, էջ 118։

106 Նույն տեղում, էջ 119։

107 «Մատենադարանի պարակերեն կալվածագրերը», պրակ I, կազմեց Հ. Փափազյան, Երևան, 1968, էջ 67։

108 Հ. Փափազյան, Մի էջ Արևելյան Հայաստանի քաղաքական կյանքի պատմությունից (ՀՄՄՀ ԳԱ «Տեղեկագիր», հատ. դիտ., 1955, № 6, էջ 89)։

1450 թ. Ռուստամը Տաթևի վանահայր Շմավոն Անգեղակոթցուն է վաճառել Սվարանց, Տաշու, Աղանց և Տանձատափ գյուղերից կալվածքները¹⁰⁹։ Սա Ռուստամին մասին վերջին տեղեկությունն է. թե հետո ինչպես է տնօրինվել արքունի «մեծ վելիրի» ճակատագիրը, մնում է անհայտ։ Սակայն հայտնի է, որ նա 1450 թ. հիշատակվել է որպես սոսկ ամիրզադա։ XV դ. երկրորդ կեսից մեղ հասած ժլատ տեղեկություններն առայժմ հնարավորություն չեն ընձեռում շարադրելու Օրբելյան իշխանների հետագա պատմությունը, սակայն նրանք գոյատևել են Սյունիքում և Վայոց ձորում։ 1471 թ. հիշատակվում է Ստեփանոսի որդի Սմպատը։ Նա 1471 թ. ստացած Ավետարանի հիշատակարանում գրում է. «Ես պարոն Սմպատս առի զկենսաբեր Աւետարանս յիշատակ ինձ և ծնողաց իմոց՝ զհայրն իմ Ստեփանոս, մայրն իմ Մարգարիտ-հայթուն, զպապն իմ Սմբատ, զմեծ պապն Իվանիկ... ի թվ. :ՋԻ: (1471)»¹¹⁰, Մի պարոն Սմբատի մասին էլ հիշատակվում է Հերհերի մոտ գտնվող Գյոյաբաս գյուղի ավերակների խաչքարի արձանագրությունում. «ԹՎ. :ՋՃԼԸ: (1489)

կաման այ ես հաշատուր էրէց էրկիլ կանգնեցի զխաչս հոգոյ փրկութե. պարոն Սմրատին, իւր թոռին»¹¹¹։ Այս Սմբատը XV դ. առաջին քառորդին Նղեգիսում իշխող Տարսայիճի որդին է։ Հավանաբար Սմբատին հաջողվել էր մուսուլման նվաճողներից ետ ստանալ հոր կալվածքները։ Որ Սմբատը իրոք Տարսայիճի որդին է, ավելի որոշակի ասվում է 1495 թ. Նղեգիսում գրված մի հիշատակարանում, ուր տեղեկություն է հաղորդվում նաև Սմրատի որդու՝ Նղիշե արքեպիսկոպոսի մասան. «...Արդ գրեցաւ սուրբ Աւետարանս ի թվականիս Հայոց ՋԽԴ (1495), ի կաթողիկոսութեանն տեառն Սարգսի՝ յաթոո սուրբ էջմիածնի. եւ վերադիտող այսմ նահանգի պարոն-տէր Նղիշա արքեպիսկոպոսի՝ որդի իշխանաց իշխանի պարոն Սմպա(տայ), որդոյ մեծին Տարսայիճի»¹¹²։ Նղիշե արքեպիսկոպոսի վերաբերյալ առաջին տեղեկությունը թվադրվում է 1475-ով, իր հոր՝ Սմբատի, մահից հետո Նղիշե արքեպիսկոպոսը Նղեգիսում իշխող Օրբելյան ճյուղի հոգևոր և աշխարհիկ առաջնորդն էր և հանդես էր գալիս «պարոն-տեր» տիտղոսով։ Այսպիսով, մոնղոլների և ապա թուրք-թաթարական քոչվոր ցեղերի վայրագ տիրապետության ու հալածանքների հետևանքով, ինչպես հայկական այլ ավատական տներ, այնպես էլ Օրբելյաններն աստիճանաբար թուլացան և XV դ. վերջերին հանդես էին գալիս սոսկ որպես պարոն-տերեր։

КНЯЖЕСКИЙ ДОМ ОРБЕЛЯНОВ В XIV—XV вв.

ГЕГАМ КИРАКОСЯН

Резюме

В XIV—XV вв. феодальным домом Орбелянов управляли князь Буртел и его наследники. Буртел правил с 1300/1302 по 1348 г. Он пользовался большим авторитетом как среди армянских князей, так и монгольских правителей. У Буртела было два сына—Бешкен и Иванэ, первые сведения о которых в источниках встречаются с 1321 г. Бешкен прожил до 1349 г., а Иванэ—приблизительно до 1367г.

109 «Մատենադարանի պարսկերեն կալվածագրերը», պրակ I, էջ 78—80։

110 «ԺԾ դարի հայերեն ձեռագրերի հիշատակարաններ», մասն Բ, կազմեց Ն. Խաչիկյանը, Երևան, 1958, էջ 317։

111 «Դիվան», III, էջ 47։

112 «ԺԾ դարի հայերեն ձեռագրերի հիշատակարաններ», մասն Գ, կազմեց Ն. Խաչիկյանը, Երևան, 1967, էջ 213։

Иванэ имел четырех сыновей—Буртела, Смбата, Степаноса и Горгуна. Степанос достиг епископского сана и был убит молодым, Горгун же умер в 1386 г.

Нашествие Ленг-Тимура на Сюник нанесло тяжелый урон феодальному дому Орбеянов, однако Смбат и Буртел в начале XV в., смогли восстановить свои права. Буртел умер от эпидемии в 1407 г., а Смбат убежал от преследований Кара-Юсуфа в Грузию, где и умер в 1411 г. Смбат также имел четырех сыновей—Бешкена, Иванэ-Степаноса, Шаха. Имя же одного из них, умершего в детском возрасте, неизвестно. Бешкен и его сын Рустам, поступив на службу к туркменскому правителю Искандеру, восстановили свои права в Сюнике. Однако в 1437 г. они бежали в Грузию, спасаясь от преследований Дахан-шаха.

Потомки князей Орбеянов продолжали править в Сюнике и во второй половине XV в., однако прежними правами и авторитетом они уже не пользовались.